

۸۰ رمضان ۱۳۳۱

بازار ايرتسى

۲۹ توموز ۱۳۲۹

عدد — ۵۷

امور اداره و تحريريه و اعلانات و ساثره
ايچون مدير مسئوله مراجعت ايدمليدر.

هرقاي امتك مقالات متصوفانه لرينه
جریده صوفيه نك صحيفه لری
آچيقدر .

جریدہ صوفیہ

شیمدیلك هفته ده بر نشر اولنور .

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آلتی آیلغی ۲۵ فروش
وممالك اجنبیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیہ در

بشر

[ان الذين كفروا اولئك هم شر البريه . ان الذين امنوا
اولئك هم خير البريه] آيت كرمه لرندن مقتبسدر .

بشر حكمتله عالی بر وجود پر معاليدر
بشر غفلتله مالی بر هیولای خیاليدر

بشر ایمانی کامل اهل عرفان . سر سچاندر
بشر وجدانی کایل محض نسیان عین شیطاندر

بشر مقرون انوار هدا در فیض الهامات
بشر مغبون آثار هوادر محض تغلیطات

بشر بعضاً فریح وشه دماندر شوق وشادیدن
بشر بمضاده نالاندر فنا بر حزن عایدن

بشر بر قسمی اعمار جهانه طور مایوب خادم
بشر بر قسمی ده معوره رار عالمی هادم

بشر بر قسمی صالح ایستر کچر میدان هیجادن
بشر بر قسمی حرب ایتر او صامناز جنک وغوغادن

بشر بر قسمی ساعی اعتلای نوع انسانه
بشر بر قسمی داعی افساد و خسرانه

بشر بر قسمی هپ حب وعوضدن سایه صالمشدر
بشر بر قسمی هپ کین وغرضدن وایه آلمشدر

بشر نادى فیض ارتقاد ر نامزد چاهه
بشر وادی نقصان مزیندن دوشر چاهه

بشر بر سر ماهمدر بونک مدلولی انفساندر
بشر بر لفظ مہمدر لغت معنایی نقصاندر

بشر حقنده [لاخوف علیهم] مژده جنت
بشر حقنده در [بل هم اضل] بر آیت دهشت

بشر حقنده بشرادر خطاب [علم الاسماء]
بشر حقنده بر اذاردر (کیدی متین) اما

بشر بر قسمی مظلوم: عاشق بکر مکارمدر
بشر بر قسمی ظالم سائق فکر محارمدر

الہی نسخہ کبری دیدک بر ذره خلق ایتدک

آنی ادرا کدن انسانلری بی بهره خلق ایتدک

شو خوش مخلوق انسانی اساساً درک اول نماز کن

وجود ذات سبحانی ناصل اولماز عقول افکن

تعالی الله تصـوردن تخیلدن منزهدر .

بو یولدن کیتیمیان انسان هم اجهل هم ده ابلمدر

معلم روحی

فلسفہ

وجود ۱۸

صفات ، اسما و افعال

علم حق و بنده را بیان میکنم این بحث مشوشراعیان میکنند

بویت بر درویش شکسته سینہ نکدر . اودرویش جهانلرک استیماب
ایتمدیکی معانی قلینه یرلشد بر مش و ترتیب ایتدیکی شویتی ایضاح صدندمه
حق و حقیقت دائره سنده وجوده متعلق بر قاچ سوز دها سولیمکی ذهنأ
قرارلشد بر مشدر .

علم — حقت علمیلہ بنده نك علمنك درجه سنی تفریق ایدهلم .
حقت علمی بنده واسطه سیله اولماق شرطیلہ بنده نك استمدادینه کوره در
چونکه حق تعالی ذات سنیه سندن دولایی اومسه سیله اولیلہ عالمدر . علم
بنده ایسه واسطه عنایت حق ایله کندی عین ثابت سینه اولان علمیدر .
حضرت خداوندك بنده یه عنایتی ایکی وجه ایله در . بری بنده نك
عین ثابتہ واستعدادی او عنایتك تقاضاسیدر .
بوعنایت اعیان واستعدادات اوزرینه مرتب عنایت فیض مقدس
خدادر .

ایکنجیمی ذات الہی عظمتك مقتضاسیدر بنده نك عین ثابتہ سی
دکدر بوکاده فیض اقدس دیرلر . فیض اقدس اعیان ثابتہ یی پیدا
واستعداد بخش یدر . علم سز عالم بیانمز . نومعلومات منق محض اولور
ایسه قدرت نه وجه ایله اراده نه صورته متعلق اولور . دیمك اولبورکه
اعیانك تفراتی اراده واختیاره تعلق ایله دکدر . دکدرده هیچمی
یوقدر ؟

خبر اعیان تقرر ایتدکن صکره تحقیقی ذوق ایتشمدر . بری
چیقار بونک عکسکی ادعا ایدر سه اوکا برشی سولیم ذوق بنه ذوقدر .
ارنلر . تکرار اعتبارات ثبوت علمی ایله محمول اوله ماز . ذاتك
اقتضای اولوب اقتضای ذات ایسه اونك ثبوتی مقتضیدر . چونکه
قضا احباب و شائبه جبردن منز و مبرادر . ظهورده قرك لیله بدرده
ظهور ایتدیکی کج شایان عجیدر . شیخ ا کبر افندمن اعیانك واجب
الثبوت اولدیننی یعنی واجب الثبوتك مقتضای ذات اولدیننی بیان
بیورمه شلدر .